

Թեսթ 13
Ակսել Բակունց
Մթնաձոր

Մթնաձոր տանող միակ արահետն առաջին ձյունի հետ փակվում է. մինչև գարուն ոչ մի մարդ ոտք չի դնում անտառներում: Մակայն Մթնաձորում այժմ էլ թավուտ անտառներ կան, ուր ոչ ոք չի եղել: Օտռերն ընկնում են, փտում, ընկած ծառերի տեղ նորն է ծլում, արջերը պար են խաղում, սուլում են չորանի պես, ոռնում են գայլերը, դունչը լուսնյակին մեկնած, վարագները ժանիքով վարում են սև հողը, աշունքվա փթած կաղիներն ժողովում:

Մի ուրույն աշխարհ է Մթնաձորը, քիչ է ասել կուսական ու վայրի: Թվում է, թե այդ մոռացված մի անկյուն է այն օրերից, երբ դեռ մարդը չկար, և բրածո դինոզավրը նույնքան ազատ էր զգում իրեն, ինչպես արջը մեր օրերում: Գուցե այդպես է եղել աշխարհն այն ժամանակ, երբ քարածուխի հսկա շերտերն են գոյացել և շերտերի վրա պահել վաղուց անհետացած բույսերի ու սողունների հետքեր:

Հիմա էլ Մթնաձորում մուգ-կանաչ մաշկով խլեզներ կան՝ մարդու երես չտեսած, մարդուց **երկյուղ** չունեցող: Պառկում են քարերի վրա, արևի տակ. ժամերով կարող եք նայել, թե ինչպես է զարկում փորի մաշկը, թույլ երակի պես, կարող եք բռնել նրանց: Խլեզները Մթնաձորում մարդուց չեն փաղչում: Բարձր են Մթնաձորի սարերը. դրանից է, որ ամռան **երկար** օրերին էլ արևը մի քանի ժամ է լույս տալիս Մթնաձորի անտառներին: Եվ երբ հեռավոր հարթավայրերում արևը նոր է թեքվում դեպի արևմուտք, Մթնաձորում ստվերները թանձրանում են, սաղարթի տակ անթափանց խավար է լինում, արջերը **որսի** են դուրս գալիս, վարագներն իջնում են ջուր խմելու, իր որջի առաջ զիլ ոռնում է գայլը, ոռնոցը հազարբերան արձագանքով զրնգում է Մթնաձորում:

Գիշեր է դառնում, և գիշերվա հետ որսի են ելնում Մթնաձորի բնիկները: Արջը տանձ է ուտում, իրար թաթով են տալիս, թավալվոր են լինում չոր տերևների վրա, դարան մտնում, հենց որ զգում են վայրի խոզերի մոտենալը: Արջը գիտե վարագի ժանիքի թափը, նախահարձակ չի լինում: Եթե տկար մի խոզ ետ մնա մյուսներից, արջը թաթի մի **հարվածով** ճեղքում է փափուկ վիզը, մի երկու պատառ լափում, լեշը ծածկում չոր ցախով ու տերևներով, քար դնում վրան,

փնթփնթալով հեռանում, մինչև լեշը հոտի:

Եթե հանկարծ վարազները լսեն ետ մնացած խոզի ճիչը... Սրածայր թրերի պես շողշողում են ժանիքները, անշնորհք շարժումներով արջին մնում է բարձրանալ կաղնու վրա: Կատաղի ձիերի պես վարազները վրնջում են, ժանիքներով ակոսում կաղնու տակ, զարկում ծառի բնին: Մթնածորի ծերունի անտառապահը մի գարունքի տեսել է վարազի կմախքը՝ ժանիքը մինչև արմատը խրված ծառի բնում, ծառի ճյուղի արանքում արջի սատկած քոթոթին:

1. Տեքստի չորս բառերում տառի փոխարեն վանդակ է դրված, դո՛ւրս գրիր այդ բառերը՝ լրացնելով բաց թողած տառերը:

Գրել եմ և ներկել դեղին գույնով

2. Տեքստում ընդգծված նախադասության մեջ **պար են խաղում**, բառակապակցությունը արտահայտի՛ր մեկ բառով:

պարախաղ

3. Տեքստից դուրս գրի՛ր տրված բառերի հականիշները.

ա/լույս - մութ

բ/թաց - մութ

գ/ջահել - ծեր

դ/կենդանի - մարդ

4. Կազմի՛ր երկու նախադասություն՝ **անտառ** բառը օգտագործելով ուղիղ և փոխաբերական իմաստներով:

Իմ սենյակը անտառի է նման:

Անտառը շատ գեղեցիկ է:

5. Ո՞րն է ազդավի ձայն դարձվածքի ճիշտ իմաստը.
ա/գեղեցիկ ձայն
բ/բարձր ձայն
գ/ուժեղ, իլլացնող ձայն
դ/կոշտ, կոպիտ ձայն

6. Ի՞նչ էին անում ընդգծված նախադասության մեջ.
ա/գայլերը - ոռնում
բ/վարազները – ժանիքով վարում էին սև հողը
գ/ծառերը - փթում
դ/արջերը - պարում

7. Տեքստում ընդգծված բառերից ստացի՛ր բայեր:

Երկյուխ – վախենալ

Երկար – երկարել

Որսի – որսել

Հարվածով – հարվածել

8. Տեքստում ընդգծված նախադասություններից դուրս գրիր երկու ստորոգյալ:
: Ծառերն ընկնում են, փտում, ընկած ծառերի տեղ նորն է ծլում, արջերը պար են խաղում, սուլում են չորքանի պես, ոռնում են գայլերը, դունչը լուսնյակին մեկնած, վարազները ժանիքով վարում են սև հողը, աշունքվա փթած կաղիներ ժողովում:

9. Այն ի՞նչն է, այն ի՞նչը.
Պոզեր ունի այժ չէ,
Թներ ունի, թռչուն չէ:

Թիթեռ

Տեքստը բաժանիր երկու մասի և վերնագրի՛ր:
Մթնածորի բնությունը

Արջի արկածները

10.

11. Ինչպիսի՞ աշխարհ էր Մթնածորը:

ա/մուգ-կանաչ

բ/արահետներով ու բացատներով հարուստ

գ/կուսական ու վայրի

դ/քարածուխի հսկա շերտերով հարուստ

12. Ինչո՞ւ էր արջը վախենում վարագից:

Արջը գիտե վարագի ժանիքի թափը

13. Նկարագրի՛ր վարագներին:

շողշողուն ժանիքներով, ուժեղ, կատաղի ձիերի պես

14. Պատմվածքում ի՞նչը քեզ դուր չեկավ:

Որ արջերը վախենում են վարագից: